

Transformasi digital dalam pembelajaran dan keusahawanan



Kuantan, 20 September- Pusat Sumber Pembelajaran & E-Pembelajaran (CIREL) mengadakan "Global Classroom" sebagai salah satu kaedah pembelajaran dan menjurus kepada pendedahan teknologi. Memfokuskan digital transformasi program membabitkan institusi daripada luar negara termasuklah Kansai University, Jepun dan BINUS University, Indonesia.

Global Classroom adalah paradigma pengajaran yang membawa sesi syarahan melangkaui sesi perkuliahan konvensional kepada transformasi pengajaran dengan bimbingan dari rakan institusi antarabangsa melalui integrasi teknologi dan kolaborasi pembelajaran atas talian.

Seramai 20 orang peserta menyertai kelas ni termasuk 28 orang pelajar yang mengikutinya melalui atas talian.

Menurut Timbalan Pengarah CIREL Dr, Gan Leong Ming berkata, sesi pembelajaran kali ini lebih menjurus kepada proses urusan perniagaan merentasi sempadan melalui atas talian.



"Bagi memperlihatkan lagi proses ini memenuhi keperluan perniagaan melalui atas talian pihak CIREL telah mengadakan satu sesi perkongsian bersama pensyarah jemputan daripada Kansai University dan Binus University serta staf akademik dan pelajar UMP," katanya.

Melalui sesi perkongsian ini, para peserta mendapat pendedahan ilmu serta perkongsian amalan terbaik oleh pakar dari institusi berpengalaman melalui pembelajaran teradun serta penceramah UMP secara fizikal.

Peserta program, Lylia Nabila, 24 seorang usahawan muda dan juga alumni UMP turut berkongsi pengalamannya menjalankan perniagaan atas talian. Beliau yang telah menjalankan perniagaan atas talian menggunakan laman sosial termasuk facebook, Instagram dan wassap selama beberapa tahun dan hasilnya agak lumayan.

Katanya, perniagaan dapat dijalankan dengan lebih mudah dan sangat praktikal kerana membandingkan mereka boleh berurusan dengan pelanggan tidak kira masa dan waktu. Namun menurutnya, hati dan jiwa perlu kental semasa berurusan dengan pelanggan yang bermacam ragam dan ada kalanya cerewet dan tak kurang juga ada yang baik hati.

Turut hadir dalam program Pensyarah Fakulti Sistem Komputer & Kejuruteraan Perisian (FSKKP) Dr. Ariff Ameen. Dalam pada itu pihak CIREL telahpun menjalankan 14 subjek Kursus Terbuka Dalam Talian (MOOC) melibatkan seramai 5410 dari seluruh dunia.

Berita disediakan oleh Mohd Shahri Mohd Akhir dari Pusat Sumber Pembelajaran & E-Pembelajaran (CIREL) dan disunting oleh Bahagian Komunikasi Korporat.

Posted By : NORHIDAYAH BINTI MOHAMAD Date Posted : 05-10-2017, 15:57:58